

Movimentu Kontra Okupasaun Tasi Timor

Rua dos Martires da Patria, Bebora, Dili, Timor-Leste

Tel: +670-7734-8703

email: zebdiaz@gmail.com

Dili, 7 Marsu 2018

Komunikadu imprensa

Movimentu Kontra Okupasaun Tasi Timor (MKOTT) nudár movimentu sosiál ne'ebé kompostu hosi ativista, estudante, individu, veteranu no mós organizasaun sosiedade sivil sira. Dezde nia estabesimentu iha 2004, movimentu ida ne'e halo advokasia atu Timor-Leste no Australia bele iha fronteira maritima ne'ebé justu tuir prinsipiu direitu internasionál.

Ohin, rai rua ne'e asina ona akordu foun ne'ebé konkloi tiha ona prosesu naruk ba delimitasaun fronteira maritima ne'ebé permanente, no ami hakarak selebra ida ne'e nudár vitória hosi luta naruk povu Maubere nian ba nia soberania rasik. Vitória ida ne'e konsege konkista ho esforsu sira ne'ebé mai hosi povu tomak no nia lider sira. Tanba ne'e, iha oportunidade ida ne'e, MKOTT hakarak apresia ba povu, estudante, ativista, eis-resistencia sira, partidu polítiku no grupu solidariedade sira iha nasaun sira no mós iha rai laran ne'ebé sempre no kontinua firme atu kontinua luta ba soberania Timor-Leste nian.

Aleinde ne'e, ami mós hakarak hato'o apresiasaun ba esforsu rai rua nee nian, Timor-Leste no Australia ne'ebé konsege termina tiha disputa ne'e, ne'ebé rekoñese soberania Timor-Leste no direitu ba povu Maubere atu bele goza no asesu nia territóriu ba futuru desenvolvimentu ekonomia nian.

Maske nune'e, akordu foun ne'e bele kesi rai rua ne'e bainhira iha ona retifikasaun hosi Parlamentu nasaun rua nian, nune'e, MKOTT husu ba Parlamentu Australia atu bele retifika lalais akordu ida ne'e ho sein kondisaun, basa iha pasadu, Australia foin bele retifika Tratadu Tasi Timor 2002 ne'e iha 2003 hafoin Timor-Leste fó serteza ba futuru desenvolvimentu kampu Greater Sunrise nian.

Viva Povu Maubere!

Viva Timor-Leste soberanu!



Luyinal Dias,
(Reprezentante Sosiedade Sivil)



Faústinho Soares,
(Reprezentante Universitariu)



Jorge Alves (Wemoris)
(Reprezentante Veteranu)

Nota: Ba informasaun tan, bele kontaktu ba Gaudencio Sousa, +670 73071354